



Broj: 05/1-50-13-26-36-3/17
Sarajevo, 11.9.2017.

ZAPISNIK

36. sjednice Nezavisnog odbora Parlamentarne skupštine BiH

Sjednica je održana 11.9.2017., s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili Zoran Brkić iz Sektora za odnose s javnošću Sekretarijata Parlamentarne skupštine BiH i Senad Zlatarević, predstavnik OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 36. sjednicu Nezavisnog odbora Parlamentarne skupštine BiH.

Na početku predsjednica je upoznala članove Nezavisnog odbora s prijedlogom dnevnog reda koji su dobili u pozivu za ovu sjednicu, te predložila da se u dnevni red, prije tekućih pitanja, uvrsti i tačka koja bi glasila: Dogovor o održavanju sastanka s rukovodstvom Državne agencije za istrage i zaštitu.

Ovaj prijedlog jednoglasno je usvojen.

Nezavisni odbor je, uz predloženu dopunu, jednoglasno usvojio sljedeći:

DNEVNI RED

1. Usvajanje Zapisnika 33. sjednice Nezavisnog odbora;
2. Usvajanje Zapisnika 34. sjednice Nezavisnog odbora;
3. Usvajanje Zapisnika 35. sjednice Nezavisnog odbora;
4. Informacija Službe za poslove sa strancima o potrebi fizičke zaštite objekta Službe za poslove za strancima, broj: 18.1.1-50-5583/17, od 16.8.2017., a zaprimljena u Pisarnici Parlamentarne skupštine BiH 21.8.2017., broj: 05/1-04-2047/17;
5. Dogovor o održavanju sastanka s rukovodstvom Državne agencije za istrage i zaštitu;
6. Tekuća pitanja.

Ad.1. Usvajanje Zapisnika 33. sjednice Nezavisnog odbora

U uvodnim napomenama predsjednica Nezavisnog odbora Tatjana Klječanin-Martić podsjetila je da je, u skladu s dogovorom članova Nezavisnog odbora s protekle 35. sjednice, usvajanje Zapisnika 33. sjednice Nezavisnog odbora, uz prijedlog da audiozapis bude u prilogu, odgođeno za 36. sjednicu, s obzirom na to da je bilo potrebno da novoimenovani član Nezavisnog odbora Vladimir Jurišić presluša audiozapis s te sjednice. Potom je otvorila raspravu o ovoj tački dnevnog reda. U raspravi je učestvovala većina članova Nezavisnog odbora nakon čega je jednoglasno dogovoreno da audiozapis ne bude sastavni dio ovog zapisnika. Zapisnik 33. sjednice Nezavisnog odbora je kao takav jednoglasno usvojen.

Ad.2. Usvajanje Zapisnika 34. sjednice Nezavisnog odbora

U uvodnim napomenama o ovoj tački dnevnog reda predsjednica Nezavisnog odbora istakla je da je, u skladu s dogovorom članova s protekle 35. sjednice, usvajanje Zapisnika 34. sjednice Nezavisnog odbora, s obzirom na to da je bilo potrebno da novoimenovani član Nezavisnog odbora Vladimir Jurišić presluša audiozapis te sjednice, također, odgođeno za 36. sjednicu, te otvorila raspravu.

Zapisnik 34. sjednice Nezavisnog odbora jednoglasno je usvojen, bez primjedbi.

Ad.3. Usvajanje Zapisnika 35. sjednice Nezavisnog odbora

Zapisnik 35. sjednice Nezavisnog odbora jednoglasno je usvojen, bez primjedbi.

Ad.4. Informacija Službe za poslove sa strancima o potrebi fizičke zaštite objekta Službe za poslove za strancima, broj: 18.1.1-50-5583/17, od 16.8.2017., a zaprimljena u Pisarnici Parlamentarne skupštine BiH 21.8.2017., broj: 05/1-04-2047/17

Predsjednica Nezavisnog odbora Tatjana Klječanin-Martić istakla je da je Nezavisni odbor 21.8.2017. zaprimio Informaciju Službe za poslove sa strancima o potrebi fizičke zaštite objekta Službe za poslove sa strancima, broj: 05/1-04-2047/17, koja je Nezavisnom odboru dostavljena na znanje i radi eventualnog pokretanja pitanja uspostavljanja fizičkog osiguranja objekta sjedišta Službe za poslove sa strancima donošenjem nove odluke o određivanju objekata i imovine koji se štite, te otvorila raspravu.

U raspravi o ovoj tački dnevnog reda učestvovala je većina članova Nezavisnog odbora nakon čega su predmetnu informaciju primili k znanju i jednoglasno odlučili da se, s obzirom na to da postupanje o ovom pitanju nije u nadležnosti Nezavisnog odbora, Informacija dostavi Ministarstvu sigurnosti BiH, kao i da se, cijeneći objektivnim zahtjev Službe za poslove sa strancima, pruži podrška rješavanju ovog pitanja.

Ad.5. Dogovor o održavanju sastanka s rukovodstvom Državne agencije za istrage i zaštitu BiH

Članovi Nezavisnog odbora jednoglasno su odlučili da se na narednoj sjednici održi sastanak s rukovodstvom Državne agencije za istrage i zaštitu povodom aktuelnog stanja u odnosima Državne agencije za istrage i zaštitu i Tužilaštva BiH i da se ona održi 20.9.2017. u 17 sati.

Ad.6. Tekuća pitanja

U okviru ove tačke dnevnog reda predsjednica Nezavisnog odbora informirala je članove Nezavisnog odbora da je Ljubomir Kuravica, član Nezavisnog odbora, u skladu s dogovorom s 35. sjednice Nezavisnog odbora, a u vezi s mišljenjem Direkcije za koordinaciju policijskih

tijela BiH u pogledu člana 5. Zakona o Direkciji za koordinaciju policijskih tijela BiH i agencijama za podršku policijskoj strukturi BiH, dostavio svim članovima putem e-maila prečišćeni tekst Poslovnika Predstavničkog doma Parlamentarne skupštine BiH s prijedlogom da se na nekoj od narednih sjednica Nezavisnog odbora razmotri pitanje primjene člana 5. stav (2) Zakona o Direkciji za koordinaciju policijskih tijela BiH i agencijama za podršku policijskoj strukturi BiH kao i dato mišljenje Direkcije za koordinaciju policijskih tijela BiH. U raspravi o ovom pitanju učestvovala je većina članova Nezavisnog odbora, nakon čega je jednoglasno donesena odluka da se izjašnjavanje o ovom pitanju odgodi za jednu od narednih sjednica.

Dalje, u okviru tekućih pitanja za riječ se javio Vladimir Jurišić, član Nezavisnog odbora, koji je predložio da se uputi dopis policijskim agencijama koje su u nadležnosti Nezavisnog odbora i zatraži informacija koliko direktori i zamjenici direktora imaju radnog staža, te da li je neko od spomenutih ispunio uslove za penziju. Članovi Nezavisnog odbora jednoglasno su se dogovorili da se ovo pitanje razmatra na narednoj sjednici Nezavisnog odbora.

Predsjednica Nezavisnog odbora Tatjana Klječanin-Martić zaključila je sjednicu u 19,10 sati.

SEKRETAR
NEZAVISNOG ODBORA
Ivana Lovrić

PREDSJEDNICA
NEZAVISNOG ODBORA
Tatjana Klječanin-Martić